

工房之下鑾架庫在西南爲貯 龍亭儀仗之所  
今移駐智度寺土地祠在東南與鑾架庫對戒石  
亭在甬道中今更爲坊石移於廳內大門三間儀  
門三間讌堂三間在正廳後知州廡在讌堂後同  
知廡在東夾道州判廡在西夾道吏目廡在同知  
廡南馬神祠在州判廡後州守鄭公玉移建陰陽  
學三間醫學三間申明亭三間旌善亭三間俱在  
大門兩旁賓賓館在大門內

南察院 在州治南正廳三間後廳五間東西廂房



六間儀門三間外門三間外有官舍兩楹東爲州官聽候之所西爲衛官聽候之所

北察院 在州治南正廳三間後廳三間東西廂房六間儀門三間外門三間外東西亦有官舍各兩楹爲各官聽候之所

行太僕寺 在州治南正廳三間後廳三間廂房六間儀門一間外門一間

府館 在南察院東今廢

行臺 在州治南今廢

戶部分司 在行臺東今廢

稅課司 在丁字街今廢

涿鹿驛 在州治西南前廳三間廂房十間後廳五間廂房六間外門一座上有鼓樓儀門三間馬神廟一間驛丞卯廳三間廂房十間後房五間驛丞住居州守郭公子治重修

遞運所 在州治南今廢

僧正司 寄雲居寺今寄湖梁延壽寺

道正司 寄黃柏觀今寄北郭東嶽廟

養濟院 在州治西北隅門一座屋二十五間此院之設原以居鰥寡疲癯之無告者月有穀以養之歲有棉布以衣之州守張公遜加意於斯至今不廢

常盈倉 在州治西南廩六十九間今圯

預備倉 儲粟以備凶荒古常平之遺法也在智度寺東二郎廟後廢四十五間今圯

有備倉 在州治前廩六間

陸樊倉 在州西三百五十里

草場 在常盈倉東

急遞鋪 總鋪在州治前湖梁鋪在總鋪北十里係京師大路管頭鋪在總鋪南十里樓桑鋪在總鋪南二十里三家店鋪在總鋪南三十里係河間府路松林店鋪在總鋪西南二十里澤畔鋪在總鋪西南三十里係保定府路馬村鋪在總鋪西十里醬家莊鋪在總鋪西二十里魯家莊鋪在總鋪西三十里係紫荆關山西路柳窩營鋪在總鋪東三十里係霸州路

房山縣治 在城西南隅

察院 在縣治西北

行太僕寺 近察院

府館 近太僕寺

陰陽學 在縣治前

僧會司 寄福勝寺

申明亭 在縣治東

旌善亭 在縣治東

養濟院 在縣治東

涿州志

卷三

公署

四

預備倉 在縣治內

巡檢司 在磁家務

學校

蒙之繼屯也懼民性之不若建侯以後卽果行育德而學校昉焉虞敷五品周施十二夔與大司樂復播其音節以蕩滌斟酌燮調其性情於中和之極爲倫物之本知類通達強立不反然後司馬論材以官而國家賴其用周子曰師道立而善人多善人多而天下治旨哉言也志學校

州儒學 在州治西南創於唐建中間金元因之明洪武初開拓舊基規模始大備歲久浸圯正德成

化間州守朱公翼張公遜相繼修葺嗣是而後重修者不一詳載碑記中大成殿三間東西廡各五間戟門三間名宦祠在戟門左鄉賢祠在戟門右共六間神厨五間祭器庫五間在兩廡旁泮池石橋三座櫺星門三間文昌祠三間在大成殿東南啓聖祠三間在文昌祠後魁星樓在南城上康熙壬子州守傅公鎮邦移建城東南隅明倫堂五間博文齋五間約禮齋五間俱在大成殿後尊經閣三間在明倫堂後敬一亭三間在尊經閣後內刻

五箴講堂饌堂各三間在約禮齋南學正廡在明倫堂西訓導廡在大成殿東

社學 在儒學東正廳三間大門一座成化間州守張公遜創建順治庚子州守李公勲重修

射圃 在社學東正廳三間大門一座周圍隙地十畝

縣儒學 在縣治東南隅肇於元延祐間邑人僉徽政院弭公禮始爲創建規制大畧與州同惟先聖四配神像五尊製皆香木

社學 在北大街

學田 水地四頃三十二畝坐落邵村每畝徵銀五錢旱地十五頃七十八畝坐落大學庄每畝徵銀五分二項共徵銀二百九十四兩九錢應納涿州錢糧銀十一兩五錢應納房山縣錢糧銀四十九兩三錢八分開溝工食銀七兩二錢實在銀二百二十六兩八錢二分

攷學田創於明天啓二年學院浮丘左公光斗具題委屯田千總陳雲漢會同急公都司陳宏道捐資

肇墾開溝引水劃塍分畦闢汙萊爲膏腴招佃樹藝所獲租銀納州解院以充八府士子科場卷價甚盛舉也歷有年所毫無變更 國朝初年仍照例行順治十五年學院熊公伯龍動支銀一百一兩九錢一分發學賑給廩生貧生順治十六年動支銀五十兩九錢五分五釐照例賑給康熙元年學院汪公煉南動支銀五十一兩六錢發學賑給康熙九年學院蔣公超具題學租銀兩除賑給廩生貧生外餘銀解部歷來督學諸公咸具作養學

校至意竊念耕仁耨義之士裋褐不完藜藿未充比舍悉然至於苦志勵修分陰無曠而燈火蕭條螢牕落莫情更堪憫分租賑卹澆有望於今之執事者康熙十五年州守劉公德弘轉詳學院吳公國對鈞批責令學師徵收學租銀兩除解部外餘租修葺學宮賑濟貧生仍造冊報院毋負前人作養學校盛心升合顆粒皆洪波也誠恐修廟徒有虛名賑貧究無實惠況學田之設原爲科場卷價起見今科歲兩考併季考銀旣經奉裁所餘學租

卽充科歲兩考卷價毋爲中飽者所據則幸矣

涿州志

卷三

學校

牧愛堂

涿州  
參將府  
二編  
鈎主者不寫

武備

周公告成王曰克詰爾兵召公告康王曰張皇六師武固不可黷亦不可弛也涿為

畿南首郡以警草澤之心以鞏金湯之固豈可無武備哉志武備

參將府 在州治西北正廳三間後廳三間東西廂房八間正廳東讌廳三間掾吏房三間寢室六間住房十二間馬園一區箭場一處儀門三間儀門外賓館三間大門三間大門外金鼓樓二座中軍

涿州志

卷三

武備

牧愛堂

廳三間初創於都指揮康銳重修於守備周鑑周元益後歷有修葺至 國朝參將聶公文壽陳公喜相繼復修規模益濶

舊制置守備官鈐轄兵衛明天啓二年間改為參將統攝涿興四衛官軍復募守兵以鎮地方國朝因之額設中軍守備一員千總二員把總四員戰守官兵八百八員名分汛防護道路城池康熙元年奉 旨兼協五營拱極城都司一員千把總各一員戰守官兵三百三員名舊州

營都司一員千總一員把總二員戰守官兵三百四員各東安營守備一員把總二員戰守官兵二百二員各大城營守備一員把總一員戰守官兵二百二員各崔黃口營守備一員把總一員戰守官兵二百二員各

中軍守備廳 在州西北隅正廳三間廂房二間住房十間營房隙地百餘畝

演武場 在州東二里許中築將臺臺設廳事曰演武廳周圍隙地五百畝

遊擊府 在州西南隅今廢

涿鹿衛 在叅將府西正廳三間後廳五間書房一間書吏軍牢房二間住房十間儀門三間大門三間土地神祠一間本涿鹿左衛明永樂十一年指揮同知王用建歲久傾圮片瓦無存官寄民舍國朝康熙五年衛守備任公先聲捐俸重建外有菜園一區計地十畝在城隍廟前

舊制衛各有屯屯分左右中前後五所春夏歸農秋冬講武丁地秩然 國朝歸併之後復行裁汰

凡有關漕運衛所相應酌留康熙七年三省總督  
白公秉貞直撫甘公文焜具題該衛有委河漕  
汛春濟淺夏防決秋趨空冬敲凍之責非他衛可  
比似應酌留奉旨依議每歲守備督催屯丁於  
所管搬罾口火燒屯謝家淺謝王莊等處星夜守  
候以利漕艘

涿鹿舊衛 在叅將府西歲久傾圮

涿鹿左衛 今爲涿鹿衛守備公署

涿鹿中衛 在州治後歲久傾圮

兵屯

馳至金城營平之畧是者什九自耕百畝汾陽之績千古無雙兵之有屯其細務歟涿舊有涿鹿衛涿鹿左衛涿鹿中衛三衛各有屯丁屯田載舊志中甚詳今合涿鹿左中興營五衛歸併涿鹿衛守備掌之庶無兵民混淆之患志兵屯

衛丁

實在行差衛丁一千五百丁康熙十五年編審新增衛丁一百二十九丁內下上則一十五丁每丁徵

銀四錢四分五釐下中則二百四十八丁每丁徵銀三錢一分五釐下下則一千三百六十六丁每丁徵銀二錢一分五釐

以上新舊衛丁共一千六百二十九丁各則徵銀不等共徵銀三百七十八兩四錢八分五釐

原額屯地四千五百四十八頃八十四畝八分除圈

占外餘剩屯地盡行補民

順治四年至康熙六年新舊開墾牧地二十三頃二

十七畝每畝二分起科

順治四年至康熙十一年新舊開墾荒地一百二十  
三頃六十六畝四分五釐康熙十二年至十五年  
新墾荒地一十五頃五十七畝一分每畝一分五  
釐起科

以上牧荒二項地共一百六十二頃五十畝五  
分五釐各科則徵銀不等共徵銀二百五十  
五兩三錢九分三釐二毫五絲

壇墀

社者土地之主也稷者五穀之長也古者官有大  
功則配食其神故句龍為后土配食於社棄為后  
稷配食於稷風雲雷雨能鼓動羣生滋養萬物則  
祭之山川能含澤布氣潤下作鹹則祭之鄭大夫  
子產立良霄之後以止伯有之厲蓋鬼有所憑依  
則不為災為妖鬼之乏祀無主者亦祭之志壇墀  
郡社郡稷壇 在州北郭外  
風雲雷雨山川壇 在州南郭外

涿州志

卷三

壇墀

物變堂  
十四

郡厲壇 在州北郭外

邑社邑稷壇 在縣西郭外

風雲雷雨山川壇 在縣北郭外

邑厲壇 在縣北郭外

繫辭變通配四時

揲之以四以象四時

祠廟

古者能禦大災捍大患有功於民者則祀之鄉先生沒則祀於社城之與隍所以捍外而衛內者房星天駟以主馬又有先牧及始乘馬者通謂馬神蠶與馬同氣祭馬而祈蠶在其中矣霜降應天之肅殺祭軍牙六纛蓋神之威奸宄者也況漢昭烈帝及關壯穆張桓侯功業表表豈止鄉先生而已耶志祠廟

涿

涿州志

卷三

祠廟

牧愛堂  
十五

城隍廟 在州城內西南隅

馬神廟二 一在大僕分司前今移在州治內一在  
叅府西南

旗纛廟 先在叅將廳後明嘉靖三十四年都指揮  
李勇移於文廟西巷

三義廟 在涿鹿驛後祀昭烈關張

東嶽廟 在州北郭

真武廟 在州北門月城內

關帝廟六 一在州東郭一在智度寺西一在州東

門月城內叅將陳公喜建一在州治東州守張公  
錦建一在州北門月城內一在州南門月城內  
二郎廟二一在智度寺東一在州西門月城內  
昭祐靈惠公廟二一在州城東南隅一在州東門  
月城內

土地廟 在州南門月城內

昭烈廟 在樓桑村帝之故里也帝爲兒時舍東有  
桑高五丈如車蓋後帝旣貴因號其村爲樓桑云  
廟建於唐乾寧四年金承安初重修黃華老人有

記明洪武初更新之至弘治二年州守張公遜重  
構正殿三楹傍翼二殿以關張配享

國朝州守任公鍾麟再加修葺益爲壯麗

張桓侯廟二 一在侯故里忠義店一在州南郭桑  
園

火神廟 在州南郭康熙八年郡人國學生劉元士  
重修

藥王廟 在州南郭火神廟南

三官廟二 一在黃柏觀西一在州西郭

靈官廟 在州東郭

八蜡廟 在州東史家溝

蟲王廟 在州東郭

龍王廟 在州北郭

五龍宮 在州西郭

平浪王廟 在州北郭順治十年州守鄭公玉建

房山

城隍廟 在縣城內西北隅

關帝廟二 一在縣西郭一在石窩店

涿州志

卷三

祠廟

牧愛堂  
十七

東嶽廟 在縣東二里內有迎春亭

虞舜廟 在縣西南五十里